

09-07-2026

खबरां

- भारत ते आस्ट्रेलिया यूरोनियम आपूर्ति ते समर्पित क्रिटिकल मिनरल्स कारीडोर, साइबर, क्रिटिकल टेकनालजी ते सप्लाय चैन पर आस्ट्रेलिया-भारत नै सांझेदारी आले समझौते पर दस्तखत कीते।
- प्रधानमंत्री नरेंद्र मोदी होरें मेलबर्न च अपने आस्ट्रेलियाई समकक्ष एंथोनी अल्बानी हुंदे कन्नै सालाना शिखर सम्मेलन दा आयोजन कीता।
- उपराष्ट्रपति सी.पी. राधाकृष्णन होरें भुवनेश्वर च उच्च समुंद्री मच्छी पालन संसाधनें दे स्थाई इस्तेमाल आस्तै राश्ट्री मिशन दी शुरूआत कीती।
- मानसून ने समूलचे मुल्य गी कवर करी लैता ऐ। लगातार बरखा होने करी राश्ट्री राजधानी क्षेत्र च सामान्य जन जीवन पर असर पेआ।
- राश्ट्री शिक्षा नीति तैहत निर्धारित व्यस्क साखरता मानक हासल करने दे मगरा उत्तराखंड पूरी चाल्ली साक्षर राज्य बनी गेआ।
- ते वियतनाम च होने आहले पिकलबाल world cup-2026 लेई भारती दल दी घोशणा कीती गेई।

<><><><><><>

PM-Leaders Summit (HL 1&2)

प्रधानमंत्री नरेंद्र मोदी ते उंदे आस्ट्रेलियाई समकक्ष एंथोनी अल्बानी होरें अज्ज मेलबर्न च आस्ट्रेलिया भारत दे त्रीए वार्षिक नेताएं दे शिखर सम्मेलन च हिस्सा लैता। इस दरान उनें दबक्खिया रिश्ते गी मजबूत करने दे मकसद कन्नै प्रतिनिधिमंडल स्तर पर गल्लबात कीती। दौनें प्रधानमंत्रिणें शिखर सम्मेलन दे समापन मगरा विक्टोरिया दे गवर्नमेंट हाउस च सांझे प्रेस बयान दित्ते। उनें दबक्खिया रिश्ते च इक बदलाव आली स्टेप चेंज गैह दी बड़ेयाई कीती जेदे च क्षेत्रीय स्थिरता, उर्जा सुरक्षा ते तकनीकी नवाचार लेई व्यापक ढांचे पर ध्यान दित्ता जारदा ऐ। पूरे भारत प्रशांत क्षेत्र च रमानदारी ते स्थिरता गी सुरक्षित करने लेई नेताएं, रक्षा ते सुरक्षा सहयोग सरबन्धी इक ऐतिहासिक सांझे घोशणा पत्र पर दस्तखत कीता ते इकजुट समुंद्री सुरक्षा सहयोग रोडमैप जारी कीता। उर्जा सुरक्षा दे क्षेत्र च इक महत्वपूर्ण उपलब्धि दे रूपै च भारत गी दीर्घकालिक आस्ट्रेलियाई यूरोनियम आपूर्ति दी बत्त पदरी करने आले इक महत्वै आहले समझौते पर दस्तखत कीते गे जेदे नै भारत दे स्वच्छ उर्जा लक्ष्यें गी नमीं मजबूती थहोग। एह दौनें मुल्ये दी नवीकरणीय उर्जा सांझेदारी दा बी विस्तार ऐ जेदे तैहत गुजरात च महिलाएं ते युवाएं गी सशक्त बनाने दे मकसद कन्नै सांझे तौरा पर रूफटाप सोलर ट्रेनिंग अकादमी दी स्थापना कीती गेई ऐ।

<><><><><><>

V.P

उपराश्ट्रपति सी.पी राधाकृष्णन होरें अज्ज भुवनेश्वर स्थित ओडिशा कृषि ते प्रौद्योगिकी विश्वविद्यालय च खुल्ले समुंद्र च मत्स्य संसाधनें च सतत इस्तेमाल आस्तै इक महत्वपूर्ण राश्ट्री समृद्धि दा परिवर्तनकारी इंजन दस्सदे होई युवाएं थमां आधुनिक प्रौद्योगिकी आधारित मत्स्य पालन ते समुंद्री बवसायें गी विकसित भारत दी आधाशिला दे तौर पर अपनाने दा आग्रह कीता।

<><><><><><>

Southwest Monsoon

दक्खन पच्छमी मानसून नै अज्ज राजस्थान, हरियाणा, पंजाब ते उत्तरी अरब सागर दे बाकी हिस्सें च होर अगडा बदधे होई समूलचे मुल्य गी कवर करी लैता ऐ। आकाशवाणी न्यूज कन्नै खास गल्लबात करदे होई भारती मौसम विभाग दे वरिष्ठ वैज्ञानिक डा. नरेश कुमार होरें आखेआ ऐ जे पिछले किश दिनें च दिल्ली एनसीआर, उत्तर प्रदेश ते उत्तराखंड च दरम्याने दर्जे थमां मती बरखा जारी ऐ।

<><><><><><>

Keralam Rain

उआं केरल दे मते सारे हिस्सें च अज्ज बरखा दी तीव्रता घट्ट होई गई ऐ। उत्तरी केरलम दे 5 जिलें च अज्ज येलो अलर्ट जारी कीता गेदा ऐ। इनें जिलें च कल रेड अलर्ट ते ओरेंज अलर्ट दित्ते गेदे हे। वायनाड च 5 थमां 15 किलीमीटर दी दरम्याने दर्जे दी बरखा दर्ज कीती गई ही जित्थे मंगलवारें 2018 गी भूस्खलन दी घटना पेश आई ही।

<><><><><><>

Rains-Delhi

कल रातीं थमां दिल्ली दे केई इलाकें ते एहदे नै लगदे इलाकें च लगातार बरखा करी सामान्य जनजीवन पर असर पेआ ऐ। दिल्ली दे लोकें गी अज्ज बडुलै भारी बरखा दिक्खने गी लब्बी ते बद्दल दे गरजना बी सुनने गी थहोई। बरखा दे चलदे बक्ख-बक्ख थाहरें पानी दा जवाम दिक्खने गी लब्बा जेदे करी ट्रैफिक दी आओजाई केई थाहरें प्रभावित होई। दिल्ली सरकार नै आखेआ ऐ जे दिल्ली जल बोर्ड, लोक निर्माण मैहकमे ते नगर-निगम दी टीमें पानी दे किट्टे होने करी बनी दी स्थिति कन्नै निब्बडने लेइ जमीनी स्तर पर ऐ। दिल्ली दी मुख्मन्त्री दफ्तर नै आखेआ ऐ जे मुख्मन्त्री रेखा गुप्ता हुंदे दिशा-निर्देश मताबक सबनें सरबन्धत एजेंसियां सतर्क न।

<><><><><><>

Uttarakhand Rainfall Warning

उत्तराखंड च मौसम विभाग नै अगले किश दिनें च बक्ख-बक्ख जिलें च भारी बरखा बरने दी चेतावनी जारी कीती ऐ। राजधानी देहरादून सने राज्य दे मते सारे हिस्सें च रूकी-रूकियै बरखा जारी ऐ। बरखा ते ल्हास-पस्सियां पौने करी प्हाडी जिलें च केई राश्ट्री हाईवे, राज्य हाईवे ते ग्रामीण रावता शिडकें पर ट्रैफिक विघ्न पेआ। बंद शिडकें गी परतियै बहाल करने दे जत्त कीते जा'रदे न। आपदा प्रबन्धन ते पुनर्वास सरबन्धी सचिव विनोद कुमार सुमन होरें सबनें सरबन्धत मैहकमें गी 24 घंटे

मुस्तैद रौहने ते कुसै बी संभावित आपदा हालात कन्नै निब्ड़ने लेई असरदार तैयारी यकीनी बनाने लेई निर्देश दित्ता ऐ।

<><><><><><>

Nagpur BRICS

भारत दी ब्रिक्स अध्यक्षता च ब्रिक्स परिवहन मंत्रिणं दी त्री बैठक अज्ज नागपुर च शुरू होई। कार्यकारी समूह दी इस बैठक मगरा मीडिया कन्नै गल्ल करदे होई केंद्री परिवहन सचिव वी. उमाशंकर होरें आखेआ जे वरिष्ठ अधिकारिणं गतिशीलता, शैहरी बुनियादी ढांचा ते लगातार ते टिकाऊ विकास जनेहू मुख मुद्दें पर चर्चा कीती।

<><><><><><>

Health-Minister

केंद्री सेहत मंत्री जगत प्रकाश नड्डा होर शनिवार गी हिमाचल प्रदेश दे केलोंग च इंडियन काउंसिल आफ मेडिकल रिसर्च दे हाई एल्टीट्यूड मेडिसिन ते पब्लिक हेल्थ रिसर्च सेंट दा नीहू पत्थर रक्खडन। सेहत ते परोआर कल्याण मंत्रालय नै आखेआ ऐ जे एहू केंद्र पूरे मुल्ले च हिमालयी क्षेत्र च जलवायु अनुकूल सेहत सरबन्धी दिक्खभाल ते वायोमेडिकल रिसर्च गी मजबूत करोग।

<><><><><><>

Uttarakhand fully literate

राष्ट्री शिक्षा नीति-2020 ते उल्लास नमें भारत साक्षरता कार्यक्रम दे तैहत तय वयस्क साक्षरता मानकें गी हासिल करने मगरा उत्तराखंड मुख दा 6मां पूर्णता साक्षर राज्य बनी गेआ ऐ। शिक्षा मंत्रालय दे तैहत विद्यालय शिक्षा ते साक्षरता विभाग आसेआ तय साक्षरता मानकें गी पूर्ति मगरा राज्यपाल होरें 8 जुलाई 2026 गी इस घोशणा गी मंजूरी दित्ती।

<><><><><><>

COAS-Forward Areas

सेना प्रमुख जनरल धीरज सेठ होरें पुंछ जिले दे अगेत्रे इलाकें दा दौरा लाया ते मौजूदा सुरक्षा हालात, कम्मै-कारवाइणं ते बलें दी तैयारिणं दा जायजा लैता। आकाशवाणी जम्मू संवाददाता दी रिपोर्ट मूजब उनें पुंछ जिले दे अगेत्रे इलाकें दा दौरा लाइये मौके पर स्थिति दा जायजा लैता। अपना ओहदा साम्भने मगरा एहू उंदा प्रदेश दा पैहला दौरा ऐ। उंदा दौरा ऐसे समें पर होआ'रदा ऐ जिसलै श्री अमरनाथ जी दी जात्तरा जारी ऐ ते सुरक्षा दे पुख्ता बंदोबस्त कीते गेदे न। सेना प्रमुख होरें नगरोंटा आधारित व्हाइट नाइट कोर मुख्यालय दा बी दौरा लाया ते उत्थे उनेंगी वरिष्ठ अधिकारिणं खित्ते दी सुरक्षा स्थिति बारै अवगत करोआया।

<><><><><><>

CM-Conclave

मुख्यमंत्री उमर अब्दुल्ला होरें अज्ज श्रीनगर दे S.K.I.C.C च इक सम्मेलन दा उद्घाटन कीता जेहदा विशेषार ऐ सैलसफा मतल्लक टिकाऊ योजना-औने आले कल लेई सैलसफा गी नमां आकार देना। इस मौके पर उमर होरें जम्मू-कश्मीर च इक टिकाऊ, साईंसी ते समुदायें बक्खी केंद्रित सैलसफा तंत्र दी

जरूरतें पर जोर पाया। पर्यावरण, सामे विकास ते अर्थ बवस्था आले ढांचे पर लोऽ पांदे होई मुखमंत्री होरें आखेआ जे एहू ढांचा, समूलचे जम्मू-कश्मीर च बड़ी मती तरजीह आली थाहें लेई योजना बनाने ते उं'दे विकास लेई मार्गदर्शन देने दे कन्नोकन्नी इक तगड़े, जिम्मेदार ते भविक्ख लेई तैयार सैलसफा खेत्तर ताई नींहू पत्थर बी रक्खग।

<><><><><><>

Hideout Busted

सुरक्षाबलें जंदे रोज कठुआ जिले च आतंकवादिएं दे छप्पने आले इक गुप्त ठिकाने दा पता लाइयै उत्थुआं द'ऊं हत्थगोले बरामद कीते। आकाशवाणी दे जम्मू संवाददाता दी रिपोर्ट मूजब, कठुआ जिले दे बिलावर इलाके दिएं उच्चिएं धारें पर स्थित इस ठिकाने दा पता ओवर ग्राउंड वर्कर हाजी लतीफ दे खुलासे दे बाद लग्गां लतीफ गी जंदी दो जुलाई गी गिरफ्तार कीता गेआ हा। ओदे शा पुच्छ-गिच्छ दे दरान एहू पता लग्गा जे ओहू बन्ने पार बैठे दे आतंकवादिएं दे लगातार संपर्क च हा। तोआई, सीमा सुरक्षा बल-बीएसएफ नै जंदे रोज हीरानगर सैक्टर दे बन्ने आले ग्रांऽ बोबिया थमां इक संदिग्ध व्यक्ति गी हिरासत च लैत्ता। इस व्यक्ति नै अपना नांऽ प्रेम ते उम्र 45 ब'रे दस्सी ऐ। उसी अगड़ी पुच्छ-गिच्छ लेई पुलस दे हवाले करी दित्ता गेआ ऐ।

<><><><><><>

Pickle Ball Contingent

भारती पिकलबाल एसोसिएशन नै पिकल बाल विश्व कप 2026 च प्रो श्रेणी च भारत दा प्रतिनिधित्व करने लेई पुरुष ते महिलाएं दौनें वर्गे च भारती दल दी घोशणा कीती ऐ। एहू प्रतियोगिता वियतनाम दे दानांग च 30 अगस्त थमां 6 सितंगर तगर होग। अंतरराष्ट्री पिकलबाल सर्किट पर हर्ष मेहता इस चार्ज दी अगुवाई करडन।

<><><><><><>